

# Fegl d'infurmaziun per emprendist(a)s futur(a)s

www.berufsbildung.gr.ch



Amt für Berufsbildung  
Uffizi per la furmaziun professiunala  
Ufficio della formazione professionale

Charas emprendistas e chars emprendists

En l'aggiunta survegnis Vus il contract d'emprendissadi che nus avain approvà. Cun tscherner in emprendissadi essas Vus As decidida u decidì per ina scolaziun cun orientaziun pratica. Demussai durant l'emprendissadi avertadad e motivaziun, sajas mirvegliusa u mirveglius, scuvri las differentas fassetas da Vossa futura professiun, faschai bleras dumondas e pretensiuns a Vus sezs ed a Vossas furmaturas e furmaturs da la professiun. Natiralmain che Vus stuais er prender decisziuns e forsa desister da l'ina u da l'autra chaussa, per che Vus possias cuntanscher Vossas finamiras. Qua sutvart survegnis Vus infurmaziuns davart la furmaziun fundamentala professiunala.

## Scola professiunala spezialisada

Las scolas professiunalas spezialisadas qualifitgeschan las emprendistas ed ils emprendists da chattar l'access al mund da lavur, da reussir en quel e da s'integrar en la societad. L'instrucziun consista d'ina part che s'occupa da la professiun e che metta la cumpetenzza professiunala en il center, sco er d'ina segunda part che s'occupa da la furmaziun generala e che promova il svilup persunal da las emprendistas e dals emprendists, lur cumpetenzza sociala e lur furmaziun generala. La frequentaziun da la scola professiunala spezialisada è obligatorica. Sin il contract d'emprendissadi figurescha la scola professiunala spezialisada che sto vegnir frequentada. Sche Vus na vegnis betg orientada u orientà directamain da la scola pertutgant il cumenzament da scola, As infurmai davart il 1. di da scola directamain tar la scola.

## Maturitad professiunala (MP)

La maturitad professiunala cumplettescha – per giuvenils cun gronda capacitad da prestaziun – la furmaziun fundamentala professiunala cun ina furmaziun generala extendida en il sector da scola e qualifitgescha las absolventas ed ils absolvents d'entrar en ina scola auta spezialisada u – tras la passarella – en in'universitad. La maturitad professiunala po vegnir absolvida durant la furmaziun fundamentala professiunala (MP 1). En il contract d'emprendissadi è il manaschi d'emprendissadi sa curvegna cun Vus davart il fatg, sche Vus pudais frequentar l'instrucziun per la maturitad professiunala, en cas che Vus adempris las cundiziuns d'admissiun. Suentar avair terminà la furmaziun fundamentala professiunala po la maturitad professiunala vegnir acquistada sco purschida a temp cumplain u en moda complementara a la professiun (MP 2).

## Curs intermanaschials (Ci)

En ils curs intermanaschials vegn – complementarmain a la furmaziun en il manaschi ed en la scola professiunala spezialisada – intermediada l'acquisiziun d'abilitads fundamentalas praticas. La frequentaziun dals curs è obligatorica. La durada dals curs è differenta, tut tenor las pretensiuns da la professiun, po ella durar plirs dis fin schizunt pliras emnas. Per Vus resp. per la represchentanza legala na dastgan resultar – cun frequentar ils curs intermanaschials – nagins custs supplementars (sco daners da curs, custs accessorics).

## Cumpensaziun dal dischavantatg per personas cun impediments en la furmaziun professiunala

Sut questa noziun vegnan chapidas mesiras specificas che han l'intent da cumpensar u almain da dimiunir ils dischavantatgs che resultan d'in impediment. En la furmaziun professiunala èn manegiadadas

Y:\01 AL\2016\02 Organisation\EDV\Homepage\Romanisch\151105-cp-Merkblatt für zukünftige Lernende\_rg.docx

# Fegl d'infurmaziun per emprendist(a)s futur(a)s

[www.berufsbildung.gr.ch](http://www.berufsbildung.gr.ch)



Amt für Berufsbildung  
Uffizi per la furmaziun professiunala  
Ufficio della formazione professionale

cun quai adattaziuns per il process da scolaziun e per las proceduras da qualificaziun. Las finamiras da furmaziun resp. las cumpetenzas d'agir che ston vegnir acquistadas tenor il plan d'instrucziun respectiv restan dentant talas e qualas. La dumonda d'ina cumpensaziun dal dischavantatg sto vegnir inoltrada, sche pussaivel, avant che cumenzar cun l'emprendissadi.

Sin nossa pagina d'internet chattais Vus il fegl d'infurmaziun davart la cumpensaziun dal dischavantatg sco er la "Annunzia d'emprendistas e d'emprendists cun impediments u cun difficultads d'emprender e cun difficultads cun la prestaziun".

Nossa pagina d'internet cun ulteriuras infurmaziuns

[www.berufsbildung.gr.ch](http://www.berufsbildung.gr.ch) (→ Documentaziun → L'inspecturat professiunal)

Sin Vossa via da scolaziun As giavischain nus bler plaschair, perseveranza ed il success merità. Ans telefonai, sche Vus avais dumondas davart Voss empredissadi.

Uffizi per la furmaziun professiunala

Inspecturat professiunal / surveglianza da la furmaziun professiunala

Grabenstrase 1

7001 Cuir

Telefon: 081 257 27 66

u numer da telefon da l'inspectura professiunala cumpetenta u

da l'inspectur professiunal cumpetent sin la vart davos dal contract d'empredissadi